



## Komentar monetarnih kretanja u januaru 2020. godine

Novčana masa (M2) na kraju januara 2020. godine iznosi 26,36 milijardi KM, na mjesečnom nivou ostvaren je porast od svega 28,5 miliona KM (0,1%). Nizak rast novčane mase (M2) uzrokovan je smanjenjem novca u okviru M1 za 54,3 miliona KM (0,4%) kao rezultat smanjenja gotovine van banaka za 67,4 miliona KM (1,6%) i povećanja prenosivih depozita u domaćoj valuti za 13,1 milion KM (0,1%). Kvazi-novac (QM) ostvario je rast od 82,9 miliona KM (0,6%), što je prvenstveno rezultat rasta ostalih depozita u domaćoj valuti za 49,9 miliona KM i prenosivih depozita u stranoj valuti za 29,2 miliona KM.

Posmatrano na godišnjem nivou, novčana masa (M2) ostvarila je porast od 2,15 milijardi KM (8,9%), pri čemu su najveće učešće u ukupnom rastu imali prenosivi depoziti u domaćoj valuti 900 miliona KM (41,8%) i ostali depoziti u domaćoj valuti 421,7 miliona KM (19,6%).



Protivstavka mjesečnog porasta novčane mase (M2) u januaru 2020. godine za 28,5 miliona KM (0,1%) je rast neto strane aktive (NSA) za 185,8 miliona KM (1,3%) i smanjenje neto domaće aktive (NDA) za 157,2 miliona KM (1,3%). Porast M2 na godišnjem nivou od 2,15 milijardi KM (8,9%) rezultat je godišnjeg rasta neto strane aktive u iznosu od 1,56 milijardi KM (12,4%) i neto domaće aktive u iznosu od 592 miliona KM (5,1%).

## Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	I 2020	XI 2019	XII 2019	I 2020	XI 2019	XII 2019	I 2020
<b>Aktiva</b>							
<b>1. Neto strana aktiva</b>	<b>14.135,7</b>	<b>18,4</b>	<b>68,6</b>	<b>185,8</b>	<b>12,2</b>	<b>11,9</b>	<b>12,4</b>
1.1. Strana aktiva	17.113,5	-3,8	319,4	43,6	10,2	10,1	10,7
1.2. Strana pasiva	-2.977,8	22,3	-250,9	142,2	1,6	2,6	3,5
<b>2. Neto domaća aktiva</b>	<b>12.225,6</b>	<b>54,0</b>	<b>274,7</b>	<b>-157,2</b>	<b>5,4</b>	<b>5,6</b>	<b>5,1</b>
2.1. Potraživanja od centralne vlade (neto), kantona i općina	-67,4	-43,6	105,2	105,2	473,7	-635,8	-275,1
2.2. Potraživanja od domaćih sektora	19.308,8	123,9	65,8	-448,5	6,8	6,7	4,4
2.3. Ostale stavke	-7.015,9	-26,3	103,8	186,0	5,8	5,4	1,6
<b>Pasiva</b>							
<b>1. Novčana masa (M2)</b>	<b>26.361,2</b>	<b>72,5</b>	<b>343,3</b>	<b>28,5</b>	<b>9,0</b>	<b>8,9</b>	<b>8,9</b>
1.1. Novac (M1)	13.196,9	8,6	293,5	-54,3	8,5	9,1	10,4
1.2. Kvazi-novac (QM)	13.164,3	63,9	49,8	82,9	9,4	8,6	7,4

## Kreditni

Ukupni krediti domaćim sektorima na kraju januara 2020. godine iznose 20,33 milijarde KM i smanjeni su za 444,9 miliona (2,1%) u odnosu na decembar 2019. godine. Smanjenje kredita zabilježeno je u svim sektorima, najveće smanjenje zabilježeno je kod kredita privatnim preduzećima u iznosu od 268,7 miliona KM (3,0%) i stanovništvu u iznosu od 142 miliona KM (1,4%).

Godišnja stopa rasta ukupnih kredita u januaru 2020. godine iznosila je 4,6 % ili 884,7 miliona KM. Krediti stanovništvu bilježe rast na godišnjem nivou od 580,5 miliona KM (6,3%), privatnim preduzećima 147,6 miliona KM (1,7%), javnim preduzećima 71,3 miliona KM (17,2%), vladinim institucijama 62,0 miliona KM (6,0%) i ostalim domaćim sektorima 23,4 miliona KM (17,6%).

### Sektorska struktura kredita u BiH

	Stanje u mil. KM	Mjesečne promjene u mil. KM			Godišnje stope rasta u %		
	I 2020	XI 2020	XII 2020	I 2020	XI 2020	XII 2020	I 2020
<b>Ukupno</b>	20.327,9	120,6	125,0	-444,8	6,4	6,6	4,6
Od toga:							
Stanovništvo 1)	9.833,3	24,7	37,1	-142,2	7,9	7,9	6,3
Privatna preduzeća 1)	8.765,3	43,7	35,3	-268,7	5,0	4,8	1,7
Vladine institucije	1.088,0	-3,6	27,5	-10,1	0,5	5,4	6,0
Javna preduzeća	485,0	63,1	12,3	-12,5	15,7	18,1	17,2
Kreditni ostalim domaćim sektorima	156,3	-7,2	12,8	-11,2	4,0	5,7	17,6

### Devizne rezerve CBBiH

Devizne rezerve CBBiH na kraju januara 2020. godine iznosile su 12,48 milijardi KM, u odnosu na prethodni mjesec smanjene su za 116,8 miliona KM (0,9%). Godišnji rast deviznih rezervi iznosio je 905,5 miliona KM (7,8%).

<sup>1</sup> Stope rasta su izračunate uzimajući u obzir Odluku o upravljanju kreditnim rizikom i utvrđivanju očekivanih kreditnih gubitaka, slijedom koje su komercijalne banke od 1. januara 2020. godine izvršile preknjižavanje određenih potraživanja iz bilansa na vanbilansnu evidenciju, što se reflektovalo na smanjenje potraživanja (kredita) od oko 400 miliona KM u sektorima privatnih preduzeća i stanovništva.